



Datum: 27.2.2026. godine

Broj: 01-505/26

Na temelju odredbi člana 108., a u vezi sa članom 109. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24), u skladu sa članom 7. Pravilnika o izboru, kriterijima za izbor, nadležnostima i radu direktora srednjih škola u Kantonu Sarajevo („Službene novine Kantona Sarajevo“ broj: 46/18), na osnovu člana 120. Pravila Javne ustanove Srednja škola za tekstil, kožu i dizajn Sarajevo i Odluke Školskog odbora broj: 01-504/26 od 27.2.2026. godine, Javna ustanova Srednja škola za tekstil, kožu i dizajn Sarajevo raspisuje

JAVNI KONKURS
za izbor direktora/direktorice
Javne ustanove Srednja škola za tekstil, kožu i dizajn Sarajevo

Javni konkurs za izbor direktora/direktorice Javne ustanove Srednja škola za tekstil, kožu i dizajn Sarajevo raspisuje se na mandantni period od četiri (4) godine.

I USLOVI ZA IZBOR

Kandidat za direktora dužan je ispunjavati sljedeće uslove:

1. Opći uslovi:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs,
- b) da se na tog kandidata ne odnosi član IX 1. Ustava Bosne i Hercegovine,
- c) da nije osuđivan za jedno ili više krivičnih djela za koje se odredbama Krivičnog zakona Federacije BiH može izreći kazna zatvora u trajanju od tri mjeseca i više kao i za privredni prestup nespojiv sa obavljanjem dužnosti direktora škole,
- d) da nema privatni finansijski interes u JU Srednja škola za tekstil, kožu i dizajn Sarajevo;
- e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH („Službene novine Federacije BiH“ broj: 70/08) Zakonom o ministarskim, vladinim i drugim imenovanjima Federacije BiH (Službene novine Federacije BiH “broj: 12/03, 34/03 i 65/13) i Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka).



2. Posebni uslovi:

- a) da u pogledu stručne spremlje ispunjava uslove za nastavnika, pedagoga, pedagoga-psihologa, psihologa u školi,
- b) da ima najmanje 8 (osam) godina radnog staža a od toga ukupno najmanje 5 (pet) godina radnog staža na poslovima radnih mjesta iz tačke a) ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa),
- c) da ima najmanje visoku stručnu spremu ili najmanje završen prvi ciklus bolonjskog visokoobrazovnog procesa sa 240 ECTS bodova,
- d) da ima najmanje stečeno stručno zvanje mentora.

3. Za direktora ne može biti imenovano:

- a) Lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine, Zakona o ministarskim, vladinim i drugim imenovanjima Federacije Bosne i Hercegovine, kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka).
- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,
- c) lice za koje se odgovarajućom medicinskom procedurom utvrdi da boluje od zarazne ili duševne bolesti,
- d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

II SADRŽAJ PRIJAVE

Uz prijavu na konkurs, kandidati su dužni dostaviti original ili ovjerene kopije sljedeće dokumentacije:

1. Svojeručno potpisanu prijavu na javni konkurs, sa kontakt podacima kandidata (adresa stanovanja, broj telefona i e-mail adresa) i tačno navedenom dokumentacijom koja se prilaže uz prijavu na javni konkurs,
2. Biografiju;
3. Diplomu o stečenoj stručnoj spremi;
4. Uvjerenje o položenom stručnom ispitu;
5. Izvod iz matične knjige rođenih;
6. Uvjerenje o državljanstvu (ne starije od 6 mjeseci);
7. Rješenje o sticanju stručnog zvanja (najmanje zvanje mentor),
8. Dokaz o radnom iskustvu (najmanje osam godina radnog staža i od toga najmanje pet godina radnog staža na poslovima: nastavnik, pedagog, pedagog-psiholog, psiholog (potvrdu izdaje prethodni poslodavac),
9. Uvjerenje da protiv kandidata koje konkuriše za direktora nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više, (ne starije od tri mjeseca) izdaje nadležni sud,
10. Izjava kandidata ovjerena od strane nadležnog organa da nije osuđivan za krivično djelo i za privredni prestup nespojiv sa obavljanjem dužnosti direktora škole,



11. Izjava kandidata ovjerena od strane nadležnog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 godine od dana prijavljivanja na javni konkurs,
12. Izjava kandidata ovjerena od strane nadležnog organa da se na kandidata ne odnosi član IX 1. Ustava Bosne i Hercegovine,
13. Izjava kandidata ovjerena od strane nadležnog organa da nema privatni finansijski interes u školi u JU Srednja škola za tekstil, kožu i dizajn Sarajevo;
14. Izjava kandidata da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH („Službene novine Federacije BiH“ broj: 70/08) i Zakonom o ministarskim, vladinim i drugim imenovanjima Federacije BiH (Službene novine Federacije BiH „broj: 12/03, 34/03 i 65/13) kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka),
15. Izjava kandidata ovjerena od strane nadležnog organa da nije alkoholičar niti da je ovisnik o narkoticima,
16. Izjava kandidata ovjerena od strane nadležnog organa da ne boluje od zarazne bolesti ili duševne bolesti,
17. Pisani razvojni plan i program JU Srednja škola za tekstil, kožu i dizajn Sarajevo;

III DOSTAVA PRIJAVE I DOKAZA O ISPUNJENOSTI USLOVA

Prijavu sa dokazima kandidati dostavljaju putem pošte prepuručeno na adresu: JU Srednja škola za tekstil, kožu i dizajn Sarajevo, Ulica Medrese broj 9., 71000 Sarajevo, ili lično u Sekretarijat Škole, u zatvorenoj koverti sa naznakom: „Prijava na javni konkurs za izbor direktora – NE OTVARAJ – (otvara Školski odbor)“.

Nepotpune i neblagovremene prijave neće se uzeti u razmatranje.

IV NAČIN I ROK OBAVJEŠTAVANJA

O rezultatima konkursa kandidati će biti obaviješteni nakon provedenog postupka imenovanja, pisano, putem pošte, na adresu navedenu u prijavi, u roku od 8 (osam) dana od dana donošenja odluke o imenovanju direktora.

V KONKURSNI ROK

Javni konkurs ostaje otvoren petnaest (15) dana od dana objavljivanja u dnevnim novinama.

Javni konkurs će biti objavljen u dnevnom listu „OSLOBOĐENJE“ dana 04.3.2026. godine i na web-stranici Ministarstva za odgoj i obrazovanje Kantona Sarajevo,

te ostaje otvoren zaključno sa danom 19. 3. 2026. godine.



NAPOMENA:

Kriteriji, procedure, uslovi, način izbora i imenovanja direktora po ovom Javnom konkursu, utvrđeni su odredbama Pravilnika o izboru, kriterijima za izbor, nadležnostima i radu direktora srednjih škola ("Službene novine Kantona Sarajevo" broj: 46/18).

Direktora imenuje i razrješava Školski odbor Javne ustanove Srednja škole za tekstil, kožu i dizajn Sarajevo uz saglasnost Vlade Kantona Sarajevo, na period od 4 (četiri) godine, sa mogućnošću ponovnog izbora, uz ograničenje od najviše dva uzastopna mandata u istoj školi.

Nepotpune i neblagovremene prijave neće se razmatrati.

Izrazi koji se koriste u ovom Konkursu, a imaju rodno značenje, odnose se jednako na muški i na ženski rod.



PREDSJEDNIK ŠKOLSKOG ODBORA

Hasib Gabljić